



საქართველოს შინაგან საქმეთა სამინისტრო

საქართველოს შინაგან საქმეთა სამინისტრო



2013 წლის ანგარიში



სამინისტროს დეპოლიტიზება და რესტრუქტურირება

- დეპოლიტიზება ითვალისწინებდა პოლიტიზებული ძალოვანი სტრუქტურების ნაცვლად დამოუკიდებელი და მიუკერძოებელი სამართალდამცავი სტრუქტურების შექმნას;
- 2012 წლის ნოემბრიდან სამინისტრო გათავისუფლდა პოლიტიკური წინხისგან და ჩამოყალიბდა როგორც საზოგადოებაზე ორიენტირებული ორგანიზაცია;
- შს მინისტრის 2013 წლის 12 სექტემბრის N 713 ბრძანება „არჩევნების პერიოდში შსს–ს მოსამსახურეთა სახელმძღვანელო ინსტრუქციის დამტკიცების შესახებ“ ავალდებულებს შსს–ს თანამშრომლებს ნეიტრალურობისა და მიუკერძოებლობის დაცვას.



სამინისტროს დეპოლიტიზება და რესტრუქტურირება

- 2012 წლის ნოემბერში გაუქმდა კუდ-ი და სოდ-ი;
- შეიქმნა ანტიკორუფციული და სახელმწიფო უსაფრთხოების სააგენტოები;
- ანტიკორუფციული სააგენტო ახორციელებს საჯარო სამსახურში ინტერესთა შეუთავსებლობის გამოვლენას, სამოხელეო და კორუფციული დანაშაულის წინააღმდეგ ბრძოლას;
- სახელმწიფო უსაფრთხოების სააგენტო უზრუნველყოფს ქვეყნისთვის მოსალოდნელი საფრთხეების პროგნოზირებას, სახელმწიფოს წინააღმდეგ მიმართული დანაშაულის გამოვლენასა და აღკვეთას, კონსტიტუციური წყობილების ძალადობრივი გზით შეცვლისგან დაცვას;
- შეიქმნა ცენტრალური კრიმინალური პოლიციის დეპარტამენტი.



სამინისტროს დეპოლიტიზება და რესტრუქტურირება

- 2012 წლის ნოემბერში სამინისტროს სისტემაში პოლიტიკისა და დაგეგმვის პროცესების ინსტიტუციონალიზაციის მიზნით, შეიქმნა რეფორმებისა და განვითარების სააგენტო;
- საპატრულო პოლიციის დეპარტამენტს გამოეყო საექსპერტო-კრიმინალისტიკური სამსახური და ჩამოყალიბდა დამოუკიდებელ სტრუქტურულ დანაყოფად;
- შსს-ს ადმინისტრაციას გამოეყო და დამოუკიდებელ სტრუქტურულ ერთეულად ჩამოყალიბდა ადამიანის უფლებების დაცვისა და მონიტორინგის მთავარი სამმართველო.



ოპერატიულ-სამორიგეო სამსახურის განვითარება

- 2013 წლის თებერვალში შსს-ს ადმინისტრაციის ოპერატიულ-სამორიგეო სამსახური აღიჭურვა ვიდეოკედლითა და უახლესი მოდელის სერვერით;
- მასში ასახულია სხვადასხვა სახის ტექნიკური სიახლე, სტატისტიკური მონაცემები და ცალკეული ოპერატიული დანაყოფების მიერ დასახული ამოცანები;
- სერვერთან დაკავშირებულია თბილისის გარემთვალყოფის კამერები, ჩატვირთულია სხვადასხვა სახის დეტალური რუკები (თბილისის, რეგიონების);
- 2013 წლის იანვრიდან მიმდინარეობს მუშაობა კრებსის მომზადების გაუმჯობესებულ პროგრამაზე. აღნიშნულის საშუალებით, მომხდარი დანაშაულის შესახებ ინფორმაცია მომენტალურად, 24 საათიან რეჟიმში, აისახება რუკაზე.



ადამიანის უფლებების დაცვა

- 2013 წლის 15 თებერვალს ამოქმედდა შინაგან საქმეთა სამინისტროს გენერალური ინსპექციის 24 საათიანი ცხელი ხაზი - „126“;
- გაიზარდა შსს-ს ადამიანის უფლებათა დაცვისა და მონიტორინგის მთავარი სამმართველოს მონიტორინგის სამმართველოს ფუნქციები და შემადგენლობა. დროებითი მოთავსების იზოლაციორების (დმი) საქმიანობა გახდა ტრანსპარენტული. ბოლო 10 თვის განმავლობაში, მონიტორინგის მიზნით, დმი-ებში სახალხო დამცველის წარმომადგენლებისა და უცხოელი უფლებადამცველების მიერ 90-ზე მეტი ვიზიტი განხორციელდა;
- 2012 წლის დეკემბერში, დროებითი მოთავსების ყველა იზოლაციორის დერეფნებში დამონტაჟდა ვიდეოკონტროლის სისტემები. დმი-ში არასათანადო მოპყრობის ფაქტების პრევენციისა და გამოვლენის მიზნით, შემუშავდა დაკავებულთა საჩივრებზე რეაგირების ეფექტიანი სისტემა;
- განხორციელდა დმი-ს ინფრასტრუქტურის რეაბილიტაცია. 2013 წლის 18 მარტს ფოთში და 23 აგვისტოს ზესტაფონში გაიხსნა ახალი დროებითი მოთავსების იზოლაციორები. თბილისის დმი-ში მიმდინარეობს სარემონტო სამუშაოები;
- დაკავებულ ქალთა უფლებების დაცვის მიზნით, დროებითი მოთავსების იზოლაციორებში გაიზარდა ქალ თანამშრომელთა რაოდენობა;
- პერმანენტულად ხორციელდება იზოლაციორების თანამშრომელთა ტრენინგი პირველადი გადაუდებელი დახმარების, ფსიქოლოგიური საჭიროებების გამოვლენისა და ადამიანის უფლებების დაცვის საერთაშორისო სტანდარტების კუთხით;
- 2012 წლის ნოემბრიდან დღემდე, დმი-ში ადამიანის უფლებების დარღვევის არცერთი ფაქტი არ დაფიქსირებულა.



სამინისტროს საქმიანობის საჯაროობისა და გამჭვირვალობის უზრუნველყოფა

- განსაკუთრებული ყურადღება ექცევა სამინისტროს სისტემის გამჭვირვალობასა და საჯარო ინფორმაციის ხელმისაწვდომობას;
- განახლდა შსს-ს ვებგვერდი www.police.ge;
- 2013 წლის მაისში შეიქმნა **მობილური აპლიკაციის** სერვისი. აღნიშნულის საშუალებით, დაინტერესებული პირები მობილური ტელეფონით ეცნობიან ახალ ამბებს, საგზაო მოძრაობის წესებსა და სხვა მონაცემებს, იხდიან ჯარიმებსა და სავიზო განაცხადის საფასურს და ა.შ.;
- შემუშავდა ხშირად დასმული **200-მდე კითხვა-პასუხი (FAQ)** და განთავსდა სამინისტროს ვებ - და Facebook – ის გვერდებზე, ასევე მობილურ აპლიკაციაში;
- განსაკუთრებული ყურადღება ეთმობა პიროვნების პერსონალური მონაცემების დაცვას. 2013 წლის 15 აგვისტოს მთავრობის დადგენილებით, შეიქმნა უკანონო მიყურადებისა და ფარული ჩანაწერების საკითხებზე მომუშავე დროებითი კომისია, რომელსაც თავმჯდომარეობს შს მინისტრი. კომისიას დაევალა შსს-ს სისტემაში აღმოჩენილი უკანონოდ მოპოვებული მასალის აღრიცხვა, სისტემატიზაცია, ანალიზი, განადგურების ან/და დაარქივების შესახებ გადაწყვეტილების მიღება;
- აღნიშნული კომისიის გადაწყვეტილებით, 2013 წლის სექტემბერში განადგურდა პირადი ცხოვრების ამსახველი ფოტო/ვიდეო მასალის ნაწილი.



საზოგადოებრივი მართლწესრიგისა და საგზაო უსაფრთხოების უზრუნველყოფა

შსს-ს სტრუქტურული ერთეულების შესაძლებლობების გაუმჯობესება

- 2013 წლის 18 მარტს ფოთში, ხოლო 23 აგვისტოს ზესტაფონში, გაიხსნა პოლიციის ახალი შენობები;
- 2013 წლის თებერვლიდან დაიწყო და 2013 წლის ბოლომდე დასრულდება 100–მდე სამშენებლო/სარემონტო პროექტი (მათ შორის, პოლიციის ახალი შენობების მშენებლობა სოფელ ეწერში, გორისაში და გუდაურში, აგრეთვე შსს-ს ადმინისტრაციული შენობების სარემონტო სამუშაოები);
- 2013 წელს დაიწყო და 2014 წელს დასრულდება შემდეგი სამშენებლო პროექტები: აჭარის, იმერეთის, კახეთის რეგიონების სამხარეო მთავარი სამმართველოების ადმინისტრაციული შენობები;
- სტრუქტურული ერთეულების ავტოპარკი განახლდა 570 ერთეული სედანის, პიკაპისა და ჯიპის ტიპის ავტომანქანით.



საზოგადოებრივი მართლწესრიგისა და საგზაო უსაფრთხოების უზრუნველყოფა

საპატრულო პოლიციის შესაძლებლობების გაუმჯობესება

- საპატრულო პოლიციის დეპარტამენტში განხორციელდა სტრუქტურული რეორგანიზაცია;
- ქვეყნის მასშტაბით **30%-ით** გაიზარდა საპატრულო პოლიციის ეკიპაჟების რაოდენობა (თბილისში **60-დან 125-მდე**, სამეგრელოში **14-დან 20-მდე**). გაიზარდა მოქმედების არეალი, დაიფარა აუთვისებელი მიმართულებები;
- საპატრულო პოლიციის ავტოპარკი განახლდა ახალი მოდელის ავტომანქანებით (360 ერთეული, მათ შორის კახეთი - 17, მცხეთა-მთიანეთი - 9, შიდა ქართლი - 16, გორი-თბილისის ავტომაგისტრალზე დამატებით - 2, იმერეთი, რაჭა-ლეჩხუმი, ქვემო სვანეთი - 25, აჭარა და ბათუმი - 28, მოტოციკლები);
- 2013 წლის 15 აგვისტოდან, ბათუმის ბულვარის მთელს პერიმეტრს **4 ახალი ელექტრომობილი** ემსახურება. 2013 წლის ივნისში სამეგრელო-ზემო სვანეთის სამმართველოს გადაეცა რამდენიმე ერთეული კვადროციკლი (უგზოობის პირობებისთვის);
- მიმდინარეობს საპატრულო პოლიციის ორი ახალი შენობის მშენებლობა იმერეთში, ასევე თელეთის, გომბორის განყოფილებების, ქუთაისის, ზუგდიდის მთავარი სამმართველოების შენობების სარემონტო სამუშაოები.



საზოგადოებრივი მართლწესრიგისა და საგზაო უსაფრთხოების უზრუნველყოფა

- განხორციელდა საპატრულო პოლიციის რებრენდინგი;
- შეიცვალა ავტომობილების შეფერილობა აღქმადობისა და ვიზუალური გარჩევადობის გაზრდის მიზნით;
- ავტომანქანები აღიჭურვა თანამედროვე ვიდეოსამეთვალყურეო კამერებით, ბორტკომპიუტერებითა და თანამედროვე საკომუნიკაციო საშუალებებით (მობილური და მანქანის რაციები);
- დაიხვეწა და მთლიანად შეიცვალა საპატრულო პოლიციის უნიფორმა (შარვლები, პერანგები, ფეხსაცმელები, ბეჯები, კოკარდები);
- საპატრულო პოლიციის ოფიცრები აღიჭურვნენ სამხრე ვიდეოკამერებით, პრომილეს მზომი ახალი აღკოტესტებითა და ელექტროშოკებით.



საზოგადოებრივი მართლწესრიგისა და საგზაო უსაფრთხოების უზრუნველყოფა

საგზაო უსაფრთხოების სისტემების დანერგვა/მოდერნიზაცია

- საქართველოს ძირითად საავტომობილო გზებსა და ქალაქების ქუჩებში დამატებით დამონტაჟდა 29 (ავტომაგისტრალზე-12, ხოლო თბილისში-17 რაღარა) ზედამხედველობის ავტომატიზებული სისტემა;
- საპატრულო პოლიციის ეკიპაჟები აღიჭურვა GPS სისტემით ავტოსაგზაო შემთხვევის ადგილის ზუსტად დაფიქსირების, სახიფათო მონაკვეთების განსაზღვრისა და უსაფრთხოების შესაბამისი ზომების გატარების მიზნით;
- საპატრულო პოლიციის დაკვეთით ხდება საგზაო ნიშნებისა და შუქნიშნების მონტაჟი. თბილისში დამონტაჟდა 3000–მდე საგზაო ნიშანი. საჯარო სკოლების და სკოლამდელი დაწესებულებების მიმდებარედ - 750 საგზაო ნიშანი. სავალ ნაწილზე დამონტაჟდა 1800 გრძივი მეტრი ე.წ. სიჩქარის შემზღულდავი ბარიერები;
- გასულ წელთან შედარებით, პრევენციული ღონისძიებების გატარების შედეგად, ავტოსაგზაო შემთხვევებში გარდაცვლილთა რაოდენობა 60%-ით შემცირდა.



2013 წლის სტრატეგიის, საკანონმდებლო/კანონქვემდებარე აქტების შემუშავება

- შსს-ში პირველად შემუშავდა სამინისტროს სისტემის განვითარების სტრატეგია. დოკუმენტში ხაზგასმულია სამინისტროს წინაშე არსებული გამოწვევები, პრიორიტეტები და გასატარებელი ღონისძიებები;
- 2013 წლის 4 ოქტომბერს საქართველოს პარლამენტმა მიიღო შსს-ს მიერ ინიცირებული ახალი კანონი „პოლიციის შესახებ“ და კანონი „სამართალდაცვით სფეროში საერთაშორისო თანამშრომლობის შესახებ“;
- განხილვის ეტაპზეა საქართველოს ადმინისტრაციულ სამართალდარღვევათა კოდექსში ცვლილებების პროექტი და „საგზაო მოძრაობის შესახებ“ საქართველოს კანონის პროექტი, რომლებსაც პარლამენტი უახლოეს მომავალში მიიღებს.



2013 წლის სტრატეგის, საკანონმდებლო/კანონქვემდებარე აქტების შემუშავება

- შსს-ს მიერ ასევე შემუშავებულია „საქართველოს სისხლის სამართლის კოდექსში ცვლილებების შეტანის შესახებ“ საქართველოს კანონის პროექტი, „უმაღლესი განათლების შესახებ საქართველოს კანონში ცვლილებების შეტანის შესახებ“ საქართველოს კანონის პროექტი, ტერორიზმთან ბრძოლის სფეროში საკანონმდებლო ცვლილებების პაკეტი, აგრეთვე „უცხოელთა და მოქალაქეობის არმქონე პირთა სამართლებრივი მდგომარეობის შესახებ“ საქართველოს კანონის პროექტი;
- 2013 წლის 17 მაისს შს მინისტრის ბრძანებით დამტკიცდა პოლიციის ეთიკის კოდექსი და პოლიციელთა ქცევის ინსტრუქციები. აღნიშნული დოკუმენტები შსს-ს სისტემაში პირველად შემუშავდა;
- შს მინისტრის 2013 წლის 16 აგვისტოს №644 ბრძანებით, ამნისტიის ან შეწყალების აქტის საფუძველზე, სისხლისსამართლებრივი პასუხისმგებლობისა და სასჯელისაგან გათავისუფლებული პირები, შესაბამისი დოკუმენტების წარმოდგენის შემთხვევაში, მიიღებენ ნასამართლობის შესახებ ცნობას, რომელშიც მითითებული იქნება ნასამართლობის არქონა.



ადამიანური რესურსები

- 2013 წლის 23-24 თებერვალს, შინაგან საქმეთა სამინისტროს მიერ საქართველოს მასშტაბით პირველად გაიმართა მთელი ოპერატიული შემადგენლობის ტესტირება (პატრულ-ინსპექტორები, უბნის ინსპექტორები და დეტექტივ-გამომძიებლები);
- შსს-ს სტრუქტურული დანაყოფების თანამშრომლები, დონორი ქვეყნებისა და ორგანიზაციების მხარდაჭერით, მონაწილეობენ კვალიფიკაციის ასამაღლებელ ტრენინგებსა და სასწავლო ვიზიტებში;
- 2013 წლის ივლისიდან კვალიფიკაციის ასამაღლებელ ტრენინგებს ეტაპობრივად გადიან შსს-ს კადრების მთავარი სამმართველოსა და სხვა სტრუქტურული ერთეულების საკადრო დანაყოფების თანამშრომლები;
- 2013 წლის ივნისიდან შსს-ს სხვადასხვა დანაყოფში სტაჟირება/სამუშაო პრაქტიკა 119-მა სტუდენტმა გაიარა. მათგან შსს-ს სისტემაში დასაქმდა 11, ხოლო უახლოეს მომავალში დამატებით დაინიშნება 10 პირი;
- სამინისტრო დასაქმების თანაბარ ხელმისაწვდომობას უზრუნველყოფს ორივე სქესის პირთათვის. დღეისთვის, შსს-ს სისტემაში დასაქმებულ ქალთა რაოდენობა გაზრდილია 5472-დან 5490-მდე. მომავალი ორი წლის განმავლობაში მათი რაოდენობა 12-დან 20 %-მდე გაიზრდება;
- 2013 წელს სამინისტროში პირველად აღინიშნა ქალთა საერთაშორისო დღე - 8 მარტი. ამ თარიღის აღსანიშნავად 47 თანამშრომელი ქალბატონი დაჯილდოვდა მედლით - „ოპერატიულ-სამძებრო საქმიანობაში შეტანილი განსაკუთრებული წვლილისათვის“.



დანაშაულთან ბრძოლა

- შსს ხელმძღვანელობს საქართველოს მთავრობის დადგენილებით შექმნილ ორგანიზებული დანაშაულის წინააღმდეგ ბრძოლის უწყებათშორის საკოორდინაციო საბჭოს;
- 2013 წლის 2 ოქტომბერს საქართველოს მთავრობამ დაამტკიცა საბჭოს მიერ შემუშავებული ორგანიზებული დანაშაულის წინააღმდეგ ბრძოლის ეროვნული სტრატეგია;
- 2013 წლის აპრილში შსს-ს ცენტრალური კრიმინალური პოლიციის ტრეფიკინგისა და უკანონო მიგრაციის წინააღმდეგ ბრძოლის სამმართველოში ჩამოყალიბდა 3 მობილური ჯგუფი, რომლის ძირითად საქმიანობას წარმოადგენს ტრეფიკინგის რისკის შემცველი დაწესებულებების/ადგილების გამოვლენა და რისკჯგუფებს მიკუთვნებულ პირთა გამოკითხვა;
- შსს აქტიურად მონაწილეობს ადამიანით ვაჭრობის (ტრეფიკინგის) წინააღმდეგ ბრძოლის უწყებათშორისი საბჭოს ფარგლებში შექმნილ საკანონმდებლო ხარვეზებსა და ცვლილებებზე მომუშავე ჯგუფში;
- ფინანსთა სამინისტროსა და შსს-ს შორის ხელი მოეწერა ურთიერთგაგების მემორანდუმს, „საქართველოში ნარკოტიკული საშუალებების, ფსიქოტროპული ნივთიერებებისა და პრეკურსორების უკანონო ბრუნვის გამოვლენის მიზნით თანამშრომლობის შესახებ“.



დანაშაულთან ბრძოლა

- აშშ-ის სახელმწიფო ანტინარკოტიკული და სამართალდამცავ ორგანოებთან ურთიერთობის საერთაშორისო ბიუროს (INL) მხარდაჭერით, მიმდინარეობს კინოლოგიური სამსახურის განვითარება;
- შსს-სა და საქართველოს შრომის, ჯანმრთელობისა და სოციალური დაცვის სამინისტროს შორის ხელმოწერილი მემორანდუმის საფუძველზე შეიქმნა ერთობლივი სამუშაო ჯგუფი, რომელიც აყალიბებს პირველი ჯგუფისთვის მიკუთვნებული ფარმაცევტული პროდუქტის ლეგალური ბრუნვიდან უკანონო არხებში გადინების პრევენციის მექანიზმებს;
- 2012 წლის დეკემბერში შსს-ს ცენტრალური კრიმინალური პოლიციის დეპარტამენტში შეიქმნა კიბერდანაშაულთან ბრძოლის სამმართველო, რომელიც მოიცავს 24/7 საერთაშორისო საკონტაქტო პუნქტს;
- 2013 წლის მაისში შსს-ში შეიქმნა ჰაბიტოსკოპიური და კომპიუტერულ-ტექნიკური ექსპერტიზის განყოფილება. მისი ერთ-ერთი ძირითადი დანიშნულებაა კომპიუტერული ტექნიკიდან, მობილური ტელეფონებიდან და ციფრული ინფორმაციის სხვა მატარებლებიდან ინფორმაციის მოპოვება, აღდგენა, გაშიფრვა და საექსპერტო ანალიზი.



დანაშაულთან ბრძოლა

- 2012 წლის ოქტომბრიდან დღემდე საპატიმრო დაწესებულებები დატოვა 16 892-მა პირმა. აღნიშნულის მიუხედავად, ქვეყნის მასშტაბით იკლო დანაშაულის რიცხვმა და გაიზარდა მისი გახსნის მაჩვენებელი. 2012 წლის 9 თვის მონაცემებთან შედარებით, 2013 წლის ანალოგიურ პერიოდში დანაშაულის გახსნის მაჩვენებელი 37.2 %-ით გაიზარდა და 57.2 % შეადგინა;
- 2012 წლის ნოემბრიდან, დანაშაულის წინააღმდეგ ბრძოლის კუთხით, შსს-მ მრავალი ღონისძიება განახორციელა. მათ შორის:
- 2012 წლის ნოემბრიდან შსს-ს მიერ დაკავებულია ექვსი ე.წ. „კანონიერი ქურდი“ (2012 წლის ნოემბერ-დეკემბერში - 5, 2013 წლის ივნისში - 1);
- 2013 წლის ივლისში შსს-ს ცენტრალური კრიმინალური პოლიციის დეპარტამენტმა **116.5 კგ. ჰეროინი** ამოიღო. შსს-ს მიერ მსგავსი მასშტაბის ოპერაციას აქამდე ადგილი არ ჰქონია;
- 2013 წლის განმავლობაში შსს-ს მიერ ტრეფიკინგის მუხლით გამოძიება დაწყებულია **15 შემთხვევაზე**. ამათგან **4 შემთხვევაში** მუხლი გადაკვალიფიცირდა, **4 საქმეზე** მიმდინარეობს გამოძიება, ხოლო **7-ზე** შესაბამის პირებს წაუყენეს ბრალი და საქმე გადაგზავნილ იქნა სასამართლოში. 2013 წლის 8 აპრილს არასრულწლოვნის გამოსახულების შემცველი პორნოგრაფიული ხასიათის სურათების და ვიდეოჩანაწერების უკანონო დამზადების, გავრცელებისა და გასაღებისთვის დაკავებულ იქნა საქართველოს მოქალაქე, ხოლო უცხო ქვეყნის მოქალაქეზე გამოცხადდა ძებნა. 2013 წლის 20 სექტემბერს ტრეფიკინგის ფაქტზე დაკავებულ იქნა საქართველოს მოქალაქე, რომელიც დაზარალებულს აიძულებდა სექსუალური მომსახურების გაწევას.



დანაშაულთან ბრძოლა

- 2013 წლის ივნისში, სამეგრელოში აღმოჩენილ იქნა მიწისქვეშა სამალავები, საიდანაც ამოღებულ იქნა დიდი ოდენობით ფეთქებადი ნივთიერებები, ასაფეთქებელი მოწყობილობები, ცეცხლსასროლი იარაღი, ნარკოტიკული და ძლიერმოქმედი ფსიქოტროპული ნივთიერებები, აგრეთვე წინა ხელისუფლებისადმი ოპოზიციურად განწყობილი პირების ფოტოსურათებისა და პირადი მონაცემების შემცველი არქივი;
- გარდა ამისა, სამალავებში ნაპოვნი იქნა სამართალდამცავი ორგანოების წარმომადგენელთა მიერ ადამიანების სასტიკი წამების, მათზე სექსუალური ძალადობის განხორციელების, ცემის, დამამცირებელი და შეურაცხმყოფელი მოპყრობის ამსახველი ვიდეომასალა. აღნიშნულ ფაქტზე დაკავებულია 12 პირი (მათ შორის, 5 მოქმედი პოლიციელი და თავდაცვის სამინისტროს ყოფილი მაღალჩინოსანი) და მიმდინარეობს გამოძიება;
- 2013 წლის 7 ივნისს, შსს-ში დაიწყო გამოძიება სისხლის სამართლის საქმეზე, რომელიც ეხება ინტერნეტ სივრცეში საქართველოს მიმართ მუქარის შემცველი ე.წ. „ჯიჰადის ვიდეორგოლის“ გავრცელებას. ოპერატიული და საგამოძიებო მოქმედებების შედეგად დადგენილ იქნა დანაშაულის ჩამდენი პირი - რუსეთისა და ყირგიზეთის ორმაგი მოქალაქე, რომელზეც გამოცხადებულია ძებნა;
- 2013 წლის ივნისში, შსს-მ ტერორისტული აქტის ჯგუფურად მომზადების ფაქტზე დააკავა რუსეთის ფედერაციის ორი მოქალაქე. ასევე, 2013 წლის 13 სექტემბერს, ქ. ბათუმში შსს-ს კონტრტერორისტული ცენტრის თანამშრომლებმა დააკავეს რუსეთის ფედერაციის ერთი და საქართველოს ორი მოქალაქე;
- 2013 წელს, შსს-ს ახლადშექმნილი ანტიკორუფციული სააგენტოს აქტიური ქმედებების შედეგად, გამოვლენილ და აღკვეთილ იქნა კორუფციისა და სხვა სამოხელეო დანაშაულის მრავალი შემთხვევა. პასუხისგებაში მიეცა 45 პირი, მათ შორის: სოფლის მეურნეობის სამინისტროს მაღალჩინოსნები, გამგებელი და გამგებლის მოადგილე, საკრებულოს თავმჯდომარის მოადგილე, შემოსავლების სამსახურის აჭარის ბიუროს უფროსი, სკოლის დირექტორი და ა.შ.



სასაზღვრო უსაფრთხოების უზრუნველყოფა

- 2013 წლის აპრილიდან სანაპირო დაცვის დეპარტამენტის სარადარო სადგურ „სუფსაზე“ მიმდინარეობს საზღვაო ოპერაციების ერთობლივი მართვის ცენტრის მშენებლობა;
- უმჯობესდება სახმელეთო საზღვრის უსაფრთხოება. 2013 წლის მაისში აღდგენილ იქნა სექტორების „მუცოსა“ და „შატილის“ მისასვლელი გზები, ხოლო 2013 წლის აგვისტოში - სასაზღვრო სექტორ „სარფის“ საპატრულო გზა. მოხდა სექტორ „თრუსოს“ რეაბილიტაცია;
- მდინარე ალაზანზე ს/პ №4 სამმართველოს (დედოფლისწყარო) №7 სასაზღვრო სექტორის დასაცავ მონაკვეთზე 2013 წლის 12 აგვისტოს დასრულდა დამბის მშენებლობა;
- 2013 წლის აგვისტოში აღდგენილ იქნა ს/პ №2 სამმართველოს (ახალციხე) დასაცავი მონაკვეთის მიმართულეზაზე არსებული მწყობრიდან გამოსული ექვსი სათვალთვალო კომპურა;
- მიმდინარეობს სასაზღვრო სექტორების „კარწახისა“ და „სამების“ სამშენებლო სამუშაოები, რომელთა დასრულებაც 2013 წლის დეკემბერშია დაგეგმილი;
- სხვადასხვა სექტორისა და ბლოკ-პოსტისთვის შეძენილია 24 საცხოვრებელი კონტეინერი. მთიან რეგიონებში დაწყებულია 28-მდე საგუმზაგო ჯიხურის მოწყობა;
- 2013 წლის 10 სექტემბერს გაიხსნა დარიალის განახლებული სასაზღვრო გამტარი პუნქტი, რომლის გამტარუნარიანობამ დღე-ღამეში 8000 ადამიანს მიაღწია;
- სასაზღვრო პოლიციას გადაეცა ოთხი MI-8, ერთი MI-2 ტიპის შვეულმფრენი და ერთი AH-28 ტიპის თვითმფრინავი. სანაპირო დაცვას გადაეცა მცირე საპატრულო კატარდა ARES-43. წლის განმავლობაში ევროკავშირისა და აშშ-ის მხარდაჭერით სასაზღვრო პოლიციას გადაეცა 18 კვადროციკლი.



საგანგებო სიტუაციების მართვა

- მესტიასა და სტეფანწმინდაში შეიქმნა სამაშველო მომზადებისა და რეაგირების სამმართველოს ქვეგანყოფილებები. მათთვის აშენდა კოტეჯები, გადაეცათ სამაშველო აღჭურვილობა და თითო ავტომანქანა. აღნიშნულ დაბებში დაწყებულია სამაშველო სამსახურის შენობების მშენებლობა;
- შსს აქტიურად მონაწილეობს საგანგებო სიტუაციების კუთხით საზოგადოების ცნობიერების ამაღლებაში;
- 2013 წლის ივლისში შსს-ში შეიქმნა საექსპერტო-საკონსულტაციო საბჭო, რომელიც ამზადებს რეკომენდაციებს მოსახლეობის უსაფრთხოების მაქსიმალური უზრუნველყოფისა და დაცვისთვის;
- საქართველოს მთავრობის განკარგულებით შექმნილმა უწყებათშორისმა სამუშაო ჯგუფმა, რომელსაც შსს ხელმძღვანელობს, შეიმუშავა ქიმიური, ბიოლოგიური, რადიაციული და ბირთვული (ქბრბ) საფრთხეების შემცირების ეროვნული სტრატეგიის პროექტი. პროექტი უახლოეს მომავალში დასამტკიცებლად წარედგინება მთავრობას;
- 2013 წლის 9 ივლისს შსს-ს აკადემიის ტერიტორიაზე ევროკომისიის „ქბრბ რისკების შემცირების გამოცდილების გაზიარების ცენტრები“-ს თბილისის რეგიონული სამდივნო გაიხსნა, რომელიც 9 ქვეყანას აერთიანებს;
- საერთაშორისო დონეზე გადაწყდა 2014 წლის ივნისში „ქბრბ მეცნიერებისა და შედეგების მართვის კონგრესის“ თბილისში ჩატარება.



მიგრაციული პროცესების ეფექტიანი მართვა

- შინაგან საქმეთა სამინისტროში დაწყებულია მიგრაციის სამსახურის ჩამოყალიბება;
- სამინისტროში შემუშავდა არალეგალ მიგრანტთა დროებითი განთავსების ცენტრის დებულება. მშენებლობისთვის მოხდა ადგილის გამოყოფა და დამტკიცდა არქიტექტურული პროექტი. ცენტრის მშენებლობა დაიწყება 2013 წლის ოქტომბერში და დასრულდება 2014 წლის მარტისთვის;
- 2013 წლის მარტში შინაგან საქმეთა სამინისტროში შეიქმნა იმიგრაციის მონაცემთა ერთიანი ელექტრონული ბაზის სატესტო ვერსია;
- მიგრაციული პროცესების მარეგულირებელი საკანონმდებლო ბაზის დახვეწის მიზნით, მიგრაციის სამთავრობო კომისიის ფარგლებში, შემუშავდა „უცხოელთა და მოქალაქეობის არმქონე პირთა სამართლებრივი მდგომარეობის შესახებ“ კანონპროექტი და ცვლილებების პროექტი სხვადასხვა საკანონმდებლო აქტებში. პროექტით განისაზღვრა საქართველოს ვიზის კატეგორიები, მისი გაცემის, გაგრძელებისა და მოქმედების შეწყვეტის წესი, ასევე, გადამყვანი კომპანიების ვალდებულებები, ბინადრობის ნებართვის გაცემის წესი და პირობები, არალეგალთა დაკავებისა და გაძევების პროცედურები და სხვა. ცვლილებების პაკეტი წარედგინა მთავრობას საკანონმდებლო ორგანოში მისი შემდგომი ინიცირების მიზნით.



ხარისხიანი მომსახურების გაწევა

შსს-ს მომსახურების სააგენტო

- მომსახურების სააგენტოში დაიწყო ახალი ნიმუშის საერთაშორისო მართვის მოწმობისა და ახალი IT სერიის შიდა ტრანზიტული სანომრე ნიშნის გაცემა;
- გაუმჯობესდა ინფრასტრუქტურა და მატერიალურ-ტექნიკური ბაზა (რუსთავში - დამატებით უკუსვლით და პარალელური პარკირების საგამოცდო ელემენტები; ავტომობილების დასათვალიერებელი ამწე მოწყობილობები; სატვირთო სატრანსპორტო საშუალების მისაბმელები; პნევმატური იარაღის ტყვიის სიჩქარის მზომი ქრონოგრაფები; ახალი უნიფორმები; „E“ ბლოკის შენობა რუსთავში);
- 2013 წლის აგვისტო-სექტემბერში შემუშავდა ახალი ელექტრონული პროგრამა. აღნიშნული პროგრამა საზღვარგარეთ მყოფ საქართველოს მოქალაქეებს საშუალებას აძლევს დოკუმენტების ელექტრონული სახით სააგენტოს ვებ-გვერდზე წარდგენის (ატვირთვის) საფუძველზე, შეცვალონ ან დაკარგვის შემთხვევაში აღადგინონ სატრანსპორტო საშუალებათა მართვის ან რეგისტრაციის მოწმობა;
- მომსახურების სააგენტოში დაწყებულია შეზღუდული შესაძლებლობის მქონე პირთა უფლებებისა და მათი, როგორც საგზაო მოძრაობის სრულფასოვანი მონაწილეების, უსაფრთხოების დაცვისთვის საჭირო სისტემის შექმნა.



ხარისხიანი მომსახურების გაწევა

სსიპ „112“

- განხორციელდა „112“-ის სტრუქტურული რეორგანიზაცია;
- გაუმჯობესდა ინფრასტრუქტურა, სამუშაო სტანდარტები და პირობები;
- „112“-ში პროგრამული შეფერხების თავიდან აცილებისთვის, 2013 წლის აგვისტოში, ჩამოყალიბდა პროგრამისტთა ჯგუფი;
- დაწყებულია სადისპეტჩერო პროტოკოლების პრიორიტეტების (AMPDS) სისტემისა და შეზღუდული შესაძლებლობების მქონე პირთათვის ხელმისაწვდომი სერვისის დანერგვა;
- 2013 წლის გაზაფხულზე დაიწყო „112“-ის რებრენდინგი;
- „112“-ის ცნობადობის გაზრდის მიზნით ხორციელდება სარეკლამო კამპანიები და პროექტები;
- განსაკუთრებული ყურადღება ეთმობა მოზარდების ცნობიერების ამაღლებასა და ცრუ შეტყობინებების შემცირებას;
- 2013 წლის სექტემბერში საქართველოს პარლამენტმა მიიღო შსს-ს მიერ ინიცირებული საკანონმდებლო ცვლილებები, რომლის თანახმადაც გამკაცრდა სანქციები „112“-ის საგანგებო ნომრის არამიზნობრივი გამოყენებისა და ცრუ შეტყობინებების განხორციელებისთვის.



ხარისხიანი მომსახურების გაწევა დაცვის პოლიციის დეპარტამენტი

- მუდმივად მიმდინარეობს **GPS** სისტემის განვითარება. ამჟამად, **GPS** მოწყობილობით აღჭურვილია დაცვის პოლიციისა და დამკვეთის 1500-მდე სატრანსპორტო საშუალება;
- განხორციელდა დაცვის პოლიციის მომსახურების გადახდის სისტემის ბანკებთან ინტეგრირება;
- ავტოპარკის განახლების მიზნით, დაცვის სამსახურისთვის შეძენილ იქნა **27** საინკასაციო ავტომობილი;
- 2013 წლის ივნისში, ქ. გორში დაცვის პოლიციას გადაეცა ახალი შენობა. შიდა ქართლში, ზესტაფონსა და სამცხე-ჯავახეთში გარემონტდა ძველი შენობები;
- 2013 წლის თებერვლიდან დაცვის პოლიციაში **ინერგება მოქნილი ტარიფების სისტემა**, რომელიც მიზნად ისახავს დაცვის პოლიციის მომსახურების ხელმისაწვდომობის გაზრდას;
- 2013 წლის მაისში დაცვის პოლიციის დეპარტამენტში შეიქმნა **საფინანსო სისტემის ცენტრალიზებული ელექტრონული ბაზა**, რომელიც ხელს უწყობს აღრიცხვის ეფექტიანობის ზრდას, ინფორმაციის ოპერატიულ გაცვლას;
- დაცვის პოლიცია, საზოგადოებაში ცნობადობის გაზრდის მიზნით, თანამშრომლობს წამყვან სატელევიზიო და რადიო სადგურებთან.



შსს-ს აკადემიის შესაძლებლობების განვითარება

- შსს-ს აკადემიაში შემუშავდა ახალი პროგრამები. გადამუშავდა და გაიზარდა სპეციალური პროფესიული საგანმანათლებლო და თანამშრომლების გადამზადების პროგრამების ხანგრძლივობა;
- სპეციალური მომზადების ცენტრში (უშიშროების თანამშრომელთა მომზადების ხაზით) შემუშავდა ორი ახალი სასწავლო პროგრამა და გადამუშავდა არსებული პროგრამები;
- სპეციალურ პროფესიულ საგანმანათლებლო პროგრამებში მონაწილეობის მიღების მიზნით ტესტირება გაიარა **3796-მა კანდიდატმა**, საიდანაც შემდგომ ეტაპზე - გასაუბრებაზე - გამოცხადდა **1162 კანდიდატი**. საპოლიციო პროგრამებზე ჩაირიცხა **1819 მსმენელი**, აქედან დაამთავრა **1539-მა მსმენელმა**;
- შეიქმნა მსმენელთა ცოდნისა და უნარების შეფასების უნივერსალური, **100 ქულიანი, ობიექტური და გამჭვირვალე სისტემა**. დეტალურად გაიწერა შეფასების კომპონენტები და კრიტერიუმები;
- 2013 წლის მარტში დაარსდა **მეხანძრე - მაშველთა ფაკულტეტი**;
- 2013 წლის 6 მარტს აშშ-ის ანტინარკოტიკული და სამართალდაცვითი პროგრამების ბიუროსა (INL) და მიგრაციის საერთაშორისო ორგანიზაციის (IOM) მხარდაჭერით, შსს-ს აკადემიაში გაიხსნა **იმიტირებული სასაზღვრო-გამტარი პუნქტი**. პროექტის მიზანია საქართველოს საზღვრის დაცვაში ჩართული სუბიექტების პირადი შემადგენლობის რეალურ ვითარებასთან მიახლოებულ პირობებში სწავლება.



შსს-ს აკადემიის შესაძლებლობების განვითარება

- მნიშვნელოვნად გადახალისდა საბიბლიოთეკო ფონდი, დაინერგა ბიბლიოთეკის ელექტრონული კატალოგი „open biblio“;
- 2013 წლის ივლისში პროგრამებში საცეცხლე მომზადების კომპონენტის გაზრდის მიზნით, დამატებით გაიხსნა ახალი სიმულაციური ტირი;
- გარემონტდა სასწავლო ოთახები, კაბინეტები, საერთო საცხოვრებელი და საცურაო აუზი (სრული ფართობით 5381 კვ.მ);
- შსს-ს აკადემიაში დასკვნით ფაზაშია „საპოლიციო რეგულირების სამაგისტრო პროგრამის“ შემუშავება;
- შსს-ს აკადემიამ უზრუნველყო სამინისტროს მასშტაბით (ოპერატიული დანაყოფები) განხორციელებული პროფესიული ტესტირებისთვის ტესტების შემუშავება, გაცემა, მიღება, ორგანიზება, შეფასება და შესაბამისი მონაცემების სტატისტიკური დამუშავება.



საერთაშორისო თანამშრომლობის გაღრმავება

- 2013 წლის თებერვალში საქართველოს ოფიციალურად გადმოეცა სავიზო ლიბერალიზაციის სამოქმედო გეგმა;
- აღმოსავლეთ პარტნიორობის საზღვრის ინტეგრირებული მართვის საფლაგმანო ინიციატივის ფარგლებში, 2013 წლის თებერვალში, ხელი მოეწერა და ოფიციალურად დაიწყო საქართველო-სომხეთის საზღვარზე ნინოწმინდა-ბავრას სასაზღვრო გამტარ პუნქტებზე შესაძლებლობების გაუმჯობესების პროექტის განხორციელება;
- მიღებულია დადებითი გადაწყვეტილება **EUROPOL**-თან სტრატეგიული თანამშრომლობის შეთანხმების გაფორმებაზე. პროცესი გაგრძელდება **EUROPOL**-ის შიდა პროცედურების დასრულების შემდეგ;
- 2013 წლის მაისში, ბრიუსელში, შს მინისტრმა გამართა მაღალი დონის შეხვედრები ნატო-სა და ევროკავშირის წარმომადგენლებთან;
- 2013 წლის 7-8 ოქტომბერს საქართველოს შს მინისტრმა მონაწილეობა მიიღო ლუქსემბურგში გამართულ ევროკავშირისა და აღმოსავლეთ პარტნიორობის ქვეყნების იუსტიციისა და შს მინისტრების შეხვედრაში. მინისტერიალზე მიღებულ იქნა ერთობლივი დეკლარაცია სამომავლო თანამშრომლობის გაღრმავების შესახებ. ევროკომისარმა საშინაო საქმეებში სესილია მალმსტრომმა დადებითად შეაფასა საქართველოს პროგრესი სავიზო ლიბერალიზაციის პროცესში;



საერთაშორისო თანამშრომლობის გაღრმავება

- თანამშრომლობის მნიშვნელოვანი პლატფორმაა აშშ-სა და საქართველოს შორის სტრატეგიული პარტნიორობის ქარტიის ფარგლებში შექმნილი სამუშაო ჯგუფები. შსს მჭიდროდ თანამშრომლობს აშშ-ის სხვადასხვა სახელმწიფო უწყებასთან;
- 2013 წლის აპრილიდან აშშ-ის ხელშეწყობით მიმდინარეობს საზღვაო ოპერაციების მართვის ერთობლივი ცენტრის მშენებლობა;
- 2012 წლის ნოემბრიდან შსს-ს მიერ ხელმოწერილია 15 ორმხრივი და მრავალმხრივი საერთაშორისო ხელშეკრულებები დანაშაულთან ბრძოლის, სამართალდაცვით, ინფორმაციის გაცვლის, საგანგებო სიტუაციების, მართვის მოწმობის ურთიერთაღიარებისა და რეადმისიის სფეროებში;
- 2013 წელს მიმდინარეობს და ინიცირებულია რიგი პროექტები ისეთ სფეროებში, როგორცაა კიბერდანაშაულის, ოჯახური ძალადობის, კორუფციისა და ტრეფიკინგის წინააღმდეგ ბრძოლა, სანაპირო დაცვისა და კინოლოგიური სამსახურის განვითარება, ადამიანის უფლებები ციხეებსა და დახურული ტიპის სხვა დაწესებულებებში, გენდერული თანასწორობა და სხვა;



საფინანსო-სამეურნეო დეპარტამენტის საქმიანობის ეფექტიანობის გაზრდა

- საფინანსო და სამეურნეო სამმართველოებს მიენიჭა მთავარი სამმართველოს სტატუსი, გაეზარდა ვალდებულებები და დაკომპლექტდა შესაბამისი კვალიფიციური კადრით;
- საფინანსო-სამეურნეო დეპარტამენტში სრულფასოვნად ამოქმედდა შიდა აუდიტის სამსახური. შეიქმნა ლოჯისტიკის, ანალიზისა და ანგარიშგების, პროცესების ოპტიმიზაციისა და სტანდარტიზაციის მიმართულებები;
- 2013 წლის იანვრიდან, სამინისტროში დაინერგა სხვადასხვა ტიპის სტანდარტული ანგარიშგების პრაქტიკა, რაც აადვილებს ბიუჯეტის ხარჯვის და შესაბამისი ეკონომიის დადგენას;
- შსს-ს შესყიდვების ეფექტიანად დაგეგმვის მიზნით, სხვადასხვა უწყებას შორის შედგა თანამშრომლობა და განხორციელდა არაერთი გაერთიანებული ტენდერი, რომელთა საერთო ეკონომიამ 2013 წლის აგვისტოს მდგომარეობით 5 000 000 ლარამდე შეადგინა;
- პროცესების ოპტიმიზაციისა და სტანდარტიზაციის დანერგვით მოხდა სამინისტროს საფინანსო-სამეურნეო პროცესების ანალიზი. აღსანიშნავია საწვავის ტალონების სისტემიდან საბარათე სისტემაზე გადასვლა, რის შედეგადაც საწვავის ეკონომიამ 20% შეადგინა.



შსს-ს სოციალური პასუხისმგებლობა და საზოგადოებრივი აქტივობები

- მრავალშვილიან ოჯახებს დაუწესდათ ყოველთვიური დანამატი, რომელიც გაიცემა **534** თანამშრომელზე;
- შს მინისტრის 2013 წლის 1 მარტის ბრძანებით, ქორწინების, შვილის შეძენის ან ოჯახის წევრის გარდაცვალების შემთხვევაში, სამინისტროს თანამშრომლები იღებენ **1250** ლარიან დახმარებას (გაცემულია 1424 თანამშრომელზე);
- ფინანსდება სამინისტროს თანამშრომელთა და მათი ოჯახის წევრთა გადაუდებელი სამედიცინო დახმარება როგორც საქართველოში, ასევე საზღვარგარეთ (დღემდე, აღნიშნულ მიზნებს მოხმარდა 1 909 458 ლარი);
- 2013 წლის 27 აპრილს შინაგან საქმეთა სამინისტროს ორგანიზებით, ე.წ. „ხუდადოვის ტყის“ ტერიტორიაზე შსს-ს თანამშრომლებმა კვიპაროსის **400** ნერგი დარგეს;
- საპატრულო პოლიცია მთელი წლის განმავლობაში ჩართულია აქციაში – „გაიღე სისხლი, გადაარჩინე სიცოცხლე“.



გმადლობთ ყურადღებებისთვის !